

**Language: Nyambo****Book: Titus****Titus****Chapter 1**

<sup>1</sup> Paulo, Omukozi wa katonda kandi entumwa ya yesu kiristo, Omumwesigo gwendondwa za katonda namagezi gamazima agali omukwehongera katonda. <sup>2</sup> bhali omukusubhjira obhurora obhutawhwaho abhi, katonda atabheiha bhisubha akabhuraganaira. <sup>3</sup> Omumwanyagwe, akachisurula echigamboche kulabhila omubhigambo bhye ibhiyampeile nyawe kubhi rangilila. nkakorantyo aharumuhango gwa Katonda omurokozi weitu. <sup>4</sup> Owatito omwana wamazima omumwesigo gweitu omwana wamazima. Echisa, okuganyira nimilembe kuruga owa Katonda Taata, hamo na yesu kiristo murokozi weitu. <sup>5</sup> aharwechi nkakusiga Krete, kokora ebhintu bhyona ebhyabheire bhitakahweire nukutaho abhagurusi bhekanisa bhuli chigo okunkuragile. <sup>6</sup> Omugurusi wekanisa atagiramumu karogomo, omusaija wumukaziomo, abhe yeine abhana abheine obhwesigwa abhatakujulirwa bhibhi anga abhataine makune. <sup>7</sup> Chiseine omulebhelezi, nkakwemelelela enju ya katonda, atagiramumu karogomo. Atabha muntu wa echiniga, atabha musinzi, atabha muntu wokurwanisa, atagira meiru. <sup>8</sup> Chiseine, abhe omuntu wukunyegeza, akwenda obhurungi. Chiseine agire amagezi garungi, alikwera, akwesiga katonda, akwetwara. <sup>9</sup> Asobhora kwemelelela ebhyeyeso bhyamazima ebyegeiswe asobhore kubha echihika omubyeeyeso bhirungi kandi asobhora kuhindura bhona abhakumuhakanisa. <sup>10</sup> kubha alimu abhakuhindikana bhengi, nangu bhalinya abhasazire. Ebhigambo byabho nibhyabufera. mbabheiya kandi mbatwara abhantu omubhuhabhe. <sup>11</sup> chisene kubhatanga abhantu nkabho. mbegesa birinya ebhitaseine kwegeswa omumagobha gensoni nukwita amaka gona. <sup>12</sup> omo omuryabo, eyeine amagezi, akagamba, "Abhakrete bheine ebhisubha ebhiteine nzindo, nibhabhi nebhinyameiswa byokutinisa, abhanafu nabhene omururu". <sup>13</sup> Ebhiobhororo ebhi nibhyamazima, chityo obhatangise amani bhabhase gugamba amazima omumwesigo. <sup>14</sup> iwe otetasya mumigani etari ya amazima eyabha Yuda anga emihango yabhantu, abhali kusubhya enyuma amazima. <sup>15</sup> Ahali bhona abhalige ebhintu bhyona bhilige. chonka bhona abhahageire nabhatalikwesiga, tariho chirige. orukubha ebhitekelezo bhyabho bhihageizwe. <sup>16</sup> Mbeikiliza kumanya katonda, chonka omubhikorwa bhyabo mbamwetonga. bonene nabhafakale nabhatagambirwa kuhurira. tibhateirweho achikorwa chirungi chonachona.

**Chapter 2**

<sup>1</sup> chonka neiwe ogambe ebhiragiyo ebhikukusana nibhiragiyo bhyamazima. <sup>2</sup> abhagurusi bhebhalile, amakune, amagezi, omwesigo ogurungi, omungonzi, numukwegumisiliza. <sup>3</sup> Abhakeikuru nabho cheseine bheyereke okubhjakwekunila, bhatabha bhakusiganganayo/ kugambisibhwa. kandi

bhatabha beiru bha marwa. <sup>4</sup> bhaseine kwegesa ebhirungi bhabhone kutekatekera abheisiki amagezi bhabhase kwenda bhaseija bhabho hamo na bhana bhabho. <sup>5</sup> bhaseine kubhegesa kugira amagezi, bhasemele, bhakwatege amajugabho bhakunile bhaseija bhabho. bhaseine kukora ebhyo echigambo cha katonda chitajumwa. <sup>6</sup> Omungelyejo, mubhatemu echihika abhasigazi bhagire amagezi. <sup>7</sup> Omumihanda yona mubhe echukurebherwaho omumilimo mirungi; kimurabha nimwegesa, omukwesiga hamo namakune. <sup>8</sup> mugambe ebhigambo ebhirige ebhteinemu katokozi, wenawena, akuhakana agorwe kubha teine chibhi chukutugambaho. <sup>9</sup> Abheiru bhakunile bhakama bhabho ahari bhuli chintu. Bhaseine kubha semeleza ti kubhahakanisa. <sup>10</sup> Tibhaseine kwibha. sana bhasaine kweleka omwesigo gwona gurungi omumihanda yabho yona bhasemeze ebhyegeso bhyeitu ebhikugamba ahali Katonda omurokozi weitu. <sup>11</sup> kubha echisa cha katonda chizokile ahabhantu bhona. <sup>12</sup> mbitwegesa kwanga ebhintu ebhitali bya Katonda na amairugensi. Netwegesa kukola, namagezi obhugororoki, omumihanda ya Katonda omumwanya ugu. <sup>13</sup> obhutulinzire kuhebhwa esubhi yumugisa okulebwa kwichitinisa cha katonda weitu mukwu numurokozi weitu Yesu kiristo. <sup>14</sup> Yesu akayeihayo aharweitwe abhase kuturokola kuruga omuntambara nukutweza, aharwawenene, abhantu abhatekatekirwe abhene echihika kukora emilimo mirungi. <sup>15</sup> Oyambe osubhe okomekeleze ebhintu ebhi ohanenubhusobhora bhwona. Atabhaho muntu wenawena wokukugaya.

---

### Chapter 3

<sup>1</sup> Obheijuche kukunira abhebbhembezi, nabhatwazi, kubhakunira nukwikiliza kukora emilimo emirungi. <sup>2</sup> Obheichuche bhatakorela muntu wenawena obhubhi, bhatagira kuhororangana bhahe abhantu abhandi omwanya gukuramula, nukwereka okwetonda ahabhantu bhona. <sup>3</sup> Neitwe tukabha twine ebhitekelezo bhihabhire kandi twine ikuru. tukabha tuli omubhuhabhe nukukorwa abhari bhubhohe omumeiru geingi namalili. tukeikola omwibhubha nubhufakale. Tukatamisangane nukutamwangana. <sup>4</sup> chonka okuganyira kwa kutonda murokozi weitu nengonzize ahabhantu obhuzazokile, <sup>5</sup> bhikabha bhitaribhikorwa bhyeitu bhyubhugororoki, sana akaturokora aharwichisache. Akaturokora aharwichisache. Akaturokola natwoja omukuzarwa bhusya nukutukora bhusya omumwoyo alikwela. <sup>6</sup> Katonda akasesa omumwoyo alikwela ahaguru yeitu kurabhila omuli Yesu Kiristo. <sup>7</sup> Akakorati kiturabha tubhalilwe obhugororoki omuchisache, tubhe bhamo omubhumo bhuhurora bhutahwaho. <sup>8</sup> Aga namakuru gamazima. Ninyenda mubhigambe mutakutina ebhintu ebhi, bhalinya abhakwesiga Katonda bhagile ebhitekelezo amulimo gurungi ugu yateire omumaios yabho. ebhintu ebhi nibhirungi kandi bhine omugaso Omubhantu bhona. <sup>9</sup> chonka mutaja kuhakanira obhufera, oruzaro, empaka nendwano aha mihango. Ebhigambo ebhitibhina mugaso anga nsonga. <sup>10</sup> Mwange wenawena akwenda kubha terana omulimwe. Karamara kuhanwa

rumo anga kabhiri. **11** Mumanye omuntu wengeli ejo alekile omuhanda gwamazima nakora ebhibhi kandi nayeramula. **12** kindakutwekela, Artemi anga Tikiko, yanguha weiye owange bhwangu Nikopoli ahindamwile kwikara omumbeho. **13** Yanguha otweke Zena alikumanya emihango hamo na Aporo obhuta bhurwa chintu chonachona. **14** Abhantu bheitu nabho bhasene bhege kukora emilimo mirungi ekukora ahabhetago bhyabho ebhibhasasire bhateija bhakabha abhatakuzara bhirabha. **15** Bhonaabhali hamo nanye nibhacusura, nsulila bhona abhali kutuenda omumwesigo. Echisa chibheneimwe mwena.

---